

REZOLUTSIA ResCMN(2005)4

Ti implementarea-a Conventsiiljei cadru ti-apânghisearea-a minoritâtslor natsionali tu Republica Machedonia dit Iugoslavia di ma ninti

(Apruheatã di Comiteltu di minishtsrã pi ...2005, tu ... shedintsa-a vitseminishtsrãlor)

Comitetlu di minishtsrã, sum conditsiili-a articulilor 24-26 dit Conventsia cadru ti-apânghisearea-a minoritâtslor natsionali (ma-nclo Conventsia cadru);

Avândalui tu videari Rezolutsia (97) 10 di pi 17 di Yizmăciunji 1997, cari li da regulili tsi suntu apruheatu di Comiteltu di minishtsrã pi contractili di monitoring sum articulili 24-26 dit Conventsia cadru;

Avândalui tu videari regula ti votari apruheatã tu contextual a apruheariljei-a Rezolutsiiljei (97) 10;

Avândalui tu videari instrumentul ti ratificari dat di Republica Machedonia dit Iugoslavia di ma ninti, pi 10 di Apriir, 1997;

Cu-adutseari-aminti cã Guvernul ali Republica Machedonia dit Iugoslavia di ma ninti lu deadi raportul a ljei tu tinjia-a protlui monitoring a Conventsiiljei cadru pi 23 di Yizmăciunji, 2003;

Iu Comiteltu Consultativ u-apruche cãlisearea-a Guvernului ali Republica Machedonia dit Iugoslavia di ma ninti s-pitreacã unã delegatsii ta s-adunã informatsii suplimentari tu Republica Machedonia dit Iugoslavia di ma ninti, shi-aestã andamasi s-featsi tu iamea di 8-12 di-Andreu, 2003;

Iu minduearea-a Comiteltui di minishtsrã ti implementarea-a Conventsiiljei cadru tu Republica Machedonia dit Iugoslavia di ma ninti eara apruheatã pi 27 di Mai, 2004 shi deapoea fu pitricutã pãnã di reprezentantsãlji ali Republica Machedonia dit Iugoslavia di ma ninti, a fu pitricutã shi pãnã di reprezentantsãlji permanentsã-a tutãlor statilor membri ca documentu CM (2004) 145;

Iu Guvernul ali Republica Machedonia dit Iugoslavia di ma ninti li deadi comentãrli-a ljei scriati pi minduearea-a Comiteltui di minishtsrã, aesti comentãri scriati furã pitricuti la reprezentantsãlji permanentsã-a tutãlor statilor membri ca un *adendu* pi documentul CM (2004) 145, datat di pi 11 di shcurtu, 2005;

Verificândalui minduearea-a Comiteltui di minishtsrã shi comentãrli scriati-a Guvernului ali Republica Machedonia dit Iugoslavia di ma ninti;

Idghea-ashi avândalui tu videari comentârli-a alântor guvernî:

1. li-aproachi aesti concluzii-n ligature cu implementarea-a Conventsiiljei cadru tu Republica Machedonia dit Iugoslaviea di ma ninti;
 - Conditisiili constitutsionali shi leghislativi importanti adrati pânã tora tu sinfunilji cu Hundrata di Ohârda li bagã fondatsiili pi ma mari apânghiseari-a minoritâtslor, *interalia*, tu sferi ca ufilisearea-a limbilor a minoritâtslor, educatsii shi partitsipari, cu prezentarea-a printsiplui ti reprezentarea egalã-a minoritâtslor pi tuti nivelili-a administratsiiljei publicã;
 - Aesti reformi pozitivi lipseashti s-continueadzã shi ma-nclo, bågari oarã cu tinjii ti ufilisearea-a limbilor shi-a abetsedilor shi adaptarea-a garantiilor suplimentari ta s-asiguripseascã unã egalitati completã sh-efectivã shi cã, cadrul legal existentu easti completat shi consolidati. Explicãri importanti lipseashti s-hibã loati dit situatsia-a minoritâtslor ma njits ca numir tu-aestu contextu.
 - Sh-piningã tuti eforturli tsi s-featsirã ti-mbunitsarea-a situatsiiljei a Romilor, di dealihealui problemi-armãn ântribarea-a discriminariiljei tsi s-ducheashti tu ma multili sferi cãtã inshilji tsi-lji priced a lishtei comunitati. Aestã zburashti ti ma multi deferentsã sotsio-economitsi-anamisa di elji shi-alantã populatsii. Griutãtsli suntu sh-ma multu limbidi tu sfera-a intrariljei tu lucru, lucrili familiari, sãnãtatea shi educatsiea. Easti importantu cã tuti jgljoatili tsi suntu lipsiti s-hibã-adrati ta sã si facã ma bunã situatsiea-a inshilor cari lj-pricad a lishtei comunitati, pi baza-a nauûâljei Strateghii-cadru natsionalã ti romlji.
 - Cilãstãseri ti ma-nclo suntu lipsiti-n ligaturã cu mediili, ta sã si da indati ti-agiundzeari pãn di mediili-a inshilor cari lã pricad a minoritâtslor. Tu sfera-a culturâljei sã si ljea metri ti vigljearea shi developarea-a culturilor a minoritâtslor, inclusiv shi sãsi-nvãrtusheadzã cultura-a Armãnjlor.
 - Datili sughestii actsentati tu sfera di consultatsii lipseashti s-hibã loati tu videari ca metri ti sustsãneari-a consultariiljei di-aradã pi nivel institutsional cu minoritãtsli cãndu-i zborlu ti problemili-a lor.

1. Tu contextul di-aprucheari-a Rezolutsiiljei (97) 10 di pi 17 di Yizmãciunji, 1997, Comiteltu di minishtsrã u-apruche shi-aestã regulã: "solutsii ca continuari-a articulilor 24.1 shi 25.2 dit Conventsia cadru va s-ljea tu videari ta s-hibã aprucheari ca 2/3 di reprezentantsãlji-a pãrtsãlor contractanti cari-l da votlu-a lor, inclusiv shi ma marea

parti di părtsâli contractanti băgati s-hibã prezenti la Comiteltu di minishtsrã, s-voteadzã TI.

2. Recomandeadzã cã “Republica Machedonia dit Iugoslavia di ma ninti” s-aibã-ngãtan cum lipseashti ti solutsiili dati tu partea unã di ma-nsus, deadun shi cu comentarii shi minduerli-a Comitelui Consultativ.
3. Lj-da indati-a Guvernului ali “Republica Machedonia-a Iugoslaviiljei di ma-ninti”, dupã Rezolutsiea (97)10:
 - a) Su-l ducã ninti dialoglu deadun shi cu Comiteltu Consultativ;
 - b) Dipriunã su-l informeadzã Comiteltu Consultativ ti metrii tsi-a s-hibã loati, a-n ligature cu solutsiili shi recomandãrli dati tu părtsãli unã shi dauã di ma-nsus.